

किर्स्तुना बळयि योहन रासतदु मुनेता सीटि

इद सीटटुन बोग रासतोग इन्जि, सीटटे रासतद इले. मति “येसुनाड माट केंजतोम, मावाड कोंडाने ऊळतोम, बेस-नेहना ऊळिसि, मावाड कयकने वने इटिस ऊळतोम,” इद्रम रासतद मन्हता. इद पोल्लोतुन ऊळिसि, मुनेतोग पेदामन्कल, येसुना बळयि योहनिये इद सीटटुन रासतोग इन्जि, मुनेतोर विस्वसिराड पेदल्क इंदुर. योहन रासतदु बेसता कबुरि ओसो तोहचीतव पोल्लोड, इव पुस्तकिन रासवाल योहन वेगे आंदोग. इद सीटटुन रासनस्के, वेग वेल्लाय मुयतोग आस मतोग. ओसो योहन आसिया पटटा इपिसुस सहरतेन मतोग. अद तूकने आसिया पटटोर लोकुर वेल्लाटोरे, येसुना पोगोन विस्वस कीस मतोर. ओर विस्वसिरा नडुमि, येसुना विस्व पोकुर केवालोर लोकुर वासि, देवुळता मगि मन्कल मारियिस इद बूमते वावोग, ओसो बळयिर पोकुर कीतोग येसु देवुळ लोहतोग किर्स्तु आयोग, ओसो मन्कल डोलिस बेस्केन जीवा अरवोग इनजोर, अगडोर विस्वसिरिहकु, इद्रमताड जोल पोल्लोन कागहन्दुर.

अदिनेनाहक अगडोर विस्वसिरिन उसर कीयलाह, योहन रासिहतोग. इतेके अद्रम जोल कागहवालोरारड पोल्लोन केंजनदायो. मति निटमतोग विस्वसि मन्कन इद्रम पुनदनाह आस्ता इन्जि योहन कागहतहतोग: (1) देवुळ लोहतोग पिसिह केवाल येसु किर्स्तु मन्कल मारियिस वातोग; ओग पूरा देवुळिय आंदोग, पूरा मन्कल वने आंदोग इन्जि, निटमतोर विस्वसिर नमिहतोर. (2) निटमतोर विस्वसिर देवुळता वचन वेहतपे ताकिहतोर. (3) निटमतोर विस्वसिर देवुळताहि पूना पुटमुळ दोर्कतोर, तमा ऐंगेटोर विस्वसिरिन जीवा कीस्तोर. इद्रम जीवा कीयनदु देवुळतागडाह मन्हता. देवुळि तना मगिन मावासाटि इद बूमते लोहचि, अद माक बेचोन जीवा कीता, इद पोल्लोतुन तोहचीता. अद्रमे देवुळता मगिन मीट विस्वस कीस मतेके, मीकु निटमे अमेसाता पिसमुळ दोर्कताये इनजोर, योहन इद सीटटुन रासतोग.

येसु डोलिसि ओसोवने जीवा अरतदिना साक्सि

1 बोग बूम पुटवस्केडाह मन्हतोग, ✧ ओना लोप्पा माट मीक वेहतलाह आतोम. ओनाड माट केंजतोम, ✧ मावाड कोंडाने ऊळतोम, ✧ बेस-नेहना ऊळिसि, मावाड कयकने वने इटिस ऊळतोम.* ओनाय मेटे देवुळि माक वळ्हकिसि, पिसमुळ ईस्ता. ✧

2 बोग देवुळता पिसमुळ आंदोग, ओन देवुळि मन्कल मारियिह कीस लोहताहकु, माट ओन ऊळतोम, अद पोल्लोता साक्सि माट ईयलाह आतोम. ✧ ओसो माट ओन पुनदनामुने, ओग देवुळबाबाना संगे मतोग, ओग अमेसाता पिसमुळ एवाना लोप्पा, ✧ मीक वेहतलाह आतोम.

3 देवुळबाबाना मगि येसु किर्स्तुन माट ऊळतोम, ओनाड केंजतोम. ✧ मीट वने मावा संगे कलियिस मनदना इन्जि, ओना कबुरतुन मीक वेहतह्नोम. माट सबेटोरल ऐंगेन कलियिस मतल इतेके, देवुळबाबाल ओसो येसु किर्स्तु, वेरा संगे कलियिस मतप आस्ता. ✧

4 मीट वने मावा संगे कलियिसि, माक पका गिर्दा वायि इनजोर, ✧ मीकु इव पोल्लोन रासलाह आतन.

देवुळि वेहचलेहकाडा आंद

5 येसु किर्स्तुनगडाह बेद पोल्लो केंजतोम, अदिन मीक वने वेहतलाह आतोम. अद इद्रम मन्हता, देवुळि वेहचलेहका मन्हता. तानगा मुर्तिय ईकळ इले. ✧

6 अदिनेनाहक माट देवुळता संगे कलियिस मह्नोम इनजोर वेहचि, ईकळते मतेक अचोन, ✧ माटु जोल मन्कलोरल, ✧ ओसो सेतेमते ताकवोरल आंदल. ✧

7 मति देवुळि बेद्रम वेहचते मन्हता, ✧ अद्रमलेहका माट वने ताना वेहचते ताकतेके, ✧ ओर्विहक-ओर्वोग कलियिस मह्नल. ओसो देवुळता मगि येसुना नेतुर, मावा सबे पापमतुन एडिह कीस्ता. ✧

✧ **1:1 1:1** योहन 1:1-2; 1 योहन 2:13-14 ✧ **1:1 1:1** बळयिर 4:20; 1 योहन 1:3

✧ **1:1 1:1** इब्रितोर 2:3-4 * **1:1 1:1** नावा साक्सि सेतेम मन्हता इनजोर, योहन इद्रम इतोग.

✧ **1:1 1:1** 1 पवु 5:1 ✧ **1:2 1:2** 4:2 ✧ **1:2 1:2** 5:11,13,20 ✧ **1:3 1:3**

1:1 ✧ **1:3 1:3** योहन 17:3,21; 1 कुरिततोर 1:9 ✧ **1:4 1:4** योहन 3:29 ✧ **1:5**

1:5 1 तिमोति 6:16; याकुब 1:17 ✧ **1:6 1:6** योहन 8:12; 1 योहन 2:11 ✧ **1:6 1:6**

2:4; 4:20 ✧ **1:6 1:6** योहन 3:21; 2 कुरिततोर 6:14 ✧ **1:7 1:7** 1 तिमोति 6:16

✧ **1:7 1:7** यशायाह 2:5 ✧ **1:7 1:7** तीतुस 2:14; इब्रितोर 9:22; तोहचीतव पोल्लोड 7:14

8 मयगा बेदे पापम इले इनजोर इतेक अचोन, मयगा मुर्तिय सेतेम इले. माट कुदि नाळेम आय्हनल.✧

9 अदिनेनाहक मावा पापमतुन मकिह केवालेवा, देवुळता मुनेह कबुल आतेक अचोन,✧ अद मावा पापमतुन मापि कीस्ता. ओसो सबे लाग्वाड कबस्कना पापमताहि, माक एडिह कीस्ता. इद्रमलेहका देवुळि तना वेहतप लेहका कीसि, तना सेतेम तोहतहता.

10 बोगे मन्कल पापम केवोग इलेग, इनजोर देवुळि इन्हता. अदिहक माट पापम केवोम इनजोर इतेक अचोन, देवुळतुन जोल कीय्हनल; ताना पोल्लोतुन मावा जीवातगा तासवल.✧

2

येसु किर्स्तु मावा तोळ मन्हतोग

1 ए पेकोरिर!✧ मीट पापम केमाटु इनजोर, इव पोल्लोन नना मियेनाहक रासलाह आतन. मति मयगडाह बोगाय पापम कीतेके, माकु देवुळबाबाना संगे गूनम केवाल ओर्वोग तोळतोग मन्हतोग. ओगे सेतेमतोग येसु किर्स्तु आंदोग.✧

2 मावा पापमता मापि आयना इन्जि, मावा सिक्सातुन तना पोगोन एचि, डोलिस मतोग.✧ सिरप मावाय आयो, मति पूरा दुनियामेटोरा पापमतेनाहक डोलिस मतोग.✧

3 माट देवुळता उकुमतुन केंजिस अद्रम ताकतेकेने, तान माट बेस पुहनल इन्जि, मावा जीवातगा एर्का आस्ता.✧

4 बोगु नना देवुळतुन पुतन इनजोर इन्हतोग,✧ मति तानाड अडोन माळोग इतेके, ओग जोल मन्कल आंदोग. ओनगा सेतेम इले.✧

5 मति बोगु देवुळता पोल्लोतुन केंजिसि अद्रम ताकिह्तोग, ओनगा निटमे देवुळता गूनम मन्हता.✧ इदिन ऊळिसि, माट देवुळता संगे जोळेम आस महनल इनजोर, माक तेळियिहता.

✧ **1:8 1:8** अय्यूब 15:14; बुदताड पोल्लोड 20:9; रोम सहरतोर 3:10-18; 1 योहन 2:4; 4:20

✧ **1:9 1:9** देवुळताड पाटाड 32:5; बुदताड पोल्लोड 28:13; तीतुस 2:14 ✧ **1:10 1:10** योहन 3:33; 1 योहन 2:14; 4:20; 5:10 ✧ **2:1 2:1** 1 कुरिततोर 4:14 ✧ **2:1**

2:1 रोम सहरतोर 5:10; 1 तिमोति 2:5; इब्रितोर 9:24 ✧ **2:2 2:2** रोम सहरतोर 3:25-26; इब्रितोर 2:17; 1 योहन 4:10 ✧ **2:2 2:2** योहन 4:42; 11:51-52; 1 योहन 3:5; 4:14

✧ **2:3 2:3** योहन 14:15; 15:9-10; 1 योहन 2:4,14; 3:6,22,24; 4:7; 5:3; तोहचीतव पोल्लोड 12:17; 14:12 ✧ **2:4 2:4** तीतुस 1:16 ✧ **2:4 2:4** 1:6,8; 2:3; 4:20

✧ **2:5 2:5** योहन 14:23; 1 योहन 4:12,17-18; 2 योहन 6

6 बोगु देवुळता संगे जोळेम आस महनन इन्हतोग, ✨ ओना ताकमुळि येसुना ताकमुळता लेहकाने मनदना गावले. ✨

ओर्विहक-ओर्वोग जीवा कीयनद पोल्लो

7 मावोरिर! नना मीकु पूना अडो रासोन, मति मुनेताहि मीट पुतदु, पाळना अडोतुने रासलाह आतन. ✨ मीट विस्वसते वातगडाहि केंजतद पोल्लोये, इद पाळना अडो आंदु. ✨

8 मति इद अडोता उंद पूना अर्तम इंजेक माक दिसिहता. ईकळ-गंगा मायलाह आता, सेतेमता वेहच इंजेके दीचलाह आता. ✨ अदिनेनाहक अद अडोता पूना अर्तम, येसुना पिसमुळतगा ओसो मीवा पिसमुळतगा वने निटम आता.

9 बोगु देवुळता वेहचते महनन इन्हतोग, मति तना तोळतोग विस्वसिन कोटुल कीस्तोग इतेके, ✨ ओग इंका वने ईकळ-गंगातेन मन्हतोग.

10 बोगु तना तोळतोग विस्वसिन जीवा कीस्तोग, ओग वेहचते मनवाल आंदोग. ✨ ओनगा पापमते अर्हतनद बेदे पोल्लो इले.

11 मति बोग तना तोळतोग विस्वसिन कोटुल कीस्तोग, ओग ईकळते मन्हतोग, अहे ईकळते ताकिहतोग. ✨ ईकळ ओनु तोववाह कीता, ✨ अदिनेनाहक ओग बेके दास्तोग, अदिन वने पुनोग.

12 ए पेकोरिर, येसु किर्स्तुना मेटे, मीवा पापमता मापि आता इन्जि, ✨

मीक इव पोल्लोड रासलाह आतन.

13 ए पाळनोर विस्वसिरि^{*}, बूम पुटवगडाह मनवाल येसु किर्स्तुनु,

मीट पुतिर इन्जि, मीक रासलाह आतन.

ए पूनोर विस्वसिरि[†], मीट देयहकना मुक्यान[‡] आरे कीतिर इन्जि, ✨

✨ **2:6 2:6** योहन 15:4 ✨ **2:6 2:6** योहन 13:13-16; 15:9-10; 1 पत्र 2:21; 1 योहन 3:3; 4:17-18 ✨ **2:7 2:7** योहन 13:34; 1 योहन 3:11,23; 4:21; 2 योहन 5

✨ **2:7 2:7** योहन 15:12 ✨ **2:8 2:8** रोम सहरतोर 13:12; इपिसुसतोर 5:8; 1 तिसलुनितोर 5:4-5 ✨ **2:9 2:9** 2:11; 3:15; 4:20 ✨ **2:10 2:10** 3:14 ✨ **2:11 2:11**

योहन 12:35; 1 योहन 1:6; 2:9; 3:15; 4:20 ✨ **2:11 2:11** 2 कुरिततोर 4:4; 2 पत्र 1:9

✨ **2:12 2:12** बळयिर 13:38; 1 कुरिततोर 6:11 * **2:13 2:13** पाळनोर विस्वसिरि मोदुल कागिदते "तपेरिर". वचन 14ते अहे. † **2:13 2:13** पूनोर विस्वसिरि मोदुल कागिदते "लेयोरिर".

वचन 14ते अहे. ‡ **2:13 2:13** देयहकना मुक्यान मोदुल कागिदते "लाम्वदिन". वचन 14 अगा वने. ✨ **2:13 2:13** योहन 16:33; 1 योहन 2:14; 4:4; 5:4-5,18; तोहचीतव पोल्लोड

12:11

मीक रासलाह आतन.

14 ए पेकोरिर, मीट देवुळबाबान पुतिर इन्जि,✧

मीक इव पोल्लोड रासलाह आतन.

ए पाळनोर विस्वसिरिर, बूम पुटवगडाह मनवाल येसु किर्स्तुनु,

मीट पुतिर इन्जि,✧ मीक रासलाह आतन.

ए पूनोर विस्वसिरिर, मीवा विस्वस मेगकता; देवुळता पोल्लो मीवा जीवातगा मन्हता.✧

मीट देयहकना मुक्यान आरे कीतिर इन्जि,✧ मीक रासलाह आतन.

15-16 (इंजेके जमा आतोरिन वेहतलाह आतनः) इद दुनिया ईयनद गिर्दातुन पर्हकना,✧ आपुनाड कोंडाहक दिसतदिन लालुस कीयना, इद दुनियाता मालसोमते पोमाडेड कीयना,✧ इव सबे पोल्लोड देवुळबाबानाड आयोड, मति ओन पुनवोराड आंदुड. अदिनेनाहक इद दुनियातुन, ओसो इद दुनिया मीक ईयनद बेदिने, मीट जीवा केमाटु.✧ बोग इदिन जीवा कीस्तोग, ओग देवुळतुन जीवा केवोग.✧

17 इद दुनिया ओसो, देवुळतुन पुनवोराड लालुस्क मायसोर दास्ताड,✧ मति बोग देवुळता विचर मतप ताकिहतोग, ओग ताना संगे अमेसा जीवात मनदनोग.

किर्स्तुना विस्दतोर

18 पेकोरिर! आक्रिता वेला एवता.✧ किर्स्तुना मोदुल विस्दतोग वायनोग इनजोर मीट केंजतिर. अद्रमलेहकाने इंजेक वने, किर्स्तुना विस्दतोर वेल्लाटोर वातोर.✧ अदिनेनाहक आक्रिता वेला वाता✧ इनजोर माट पुतल. §

19 ओर मन्कलोर मावाय मुडगडाहि पेसतोर, मति निटम ओर मुनेताहि मावोर आयवा मतोर.✧ अद्रम आस मतेके, मावाय संगे मनेर. ओर माक विळिसस अताहक, ओर बोर मावा तोळतोर आयोर इनजोर, माक एर्का आस्ता.✧

✧ 2:14 2:14 योहन 14:7; 1 योहन 2:3 ✧ 2:14 2:13-14 1:1 ✧ 2:14 2:14 योहन 5:38; 8:37; 1 योहन 1:10 ✧ 2:14 2:14 2:13 ✧ 2:15-16 2:15-16 रोम सहरतोर 13:14; इपिसुसतोर 2:3; 1 पत्रु 2:11 ✧ 2:15-16 2:15-16 याकुब 4:16 ✧ 2:15-16 2:15-16 रोम सहरतोर 12:2 ✧ 2:15-16 2:15-16 याकुब 4:4 ✧ 2:17 2:17 1 कुरिततोर 7:31 ✧ 2:18 2:18 1 पत्रु 4:7 ✧ 2:18 2:18 4:1,3 ✧ 2:18 2:18 रोम सहरतोर 13:12 § 2:18 2:18 आक्रिता वेला इतेके, येसु किर्स्तु ओसोवने बूमतगा वायनद वेलाता मुनेता वेला आंदु. ✧ 2:19 2:19 2 योहन 7 ✧ 2:19 2:19 1 कुरिततोर 11:19

20 मति मीक इतेके, किर्स्तु तना पवित्र जीवा ईसि निल्लिह कीतोग, अदिहक इंजेके मीट सबेटोरिर सेतेमतुन पुह्निर.✧

21 मीट सेतेमतुन पुनविर इनजोर नना रासोन, मति मीट सेतेमतुन पुतिर, सेतेमताहि बेदे जोल पुटो इनजोर वने पुतिर.✧ अदिनेनाहक रासलाह आतन.

22 ओसो बोगु येसुन देवुळ लोहतोग पिसिह केवाल किर्स्तु आयोग इन्हतोग, ओग जोल मन्कल आंदोग. इद्रमतोगु किर्स्तुना विस्दतोग आंदोग, ओगु देवुळबाबान ओसो ओना मगिन जेक तासिह्तोग.✧

23 बोगु देवुळता मगिन जेक तासिह्तोग, ओनगा देवुळबाबाना तोळ इले. मति बोग ओना मगिन (नावा पिसिह केवाल इन्जि) कबुल कीस्तोग, ओनगा देवुळबाबाना तोळ मन्हाता.✧

24 मति मीट बेद पोल्लो विस्वस कीतगडाह केंजतिर, अद पोल्लो मीवा जीवातगा मनि. अद्रम मता इतेके, मीट मगना संगे ओसो देवुळबाबाना संगे जोळेम आस मनदकिर.✧

25 येसु माक अमेसाता पिसमुळ ईकन इनजोर, पोल्लो विळसतोग.✧

26 मीक लेसिह कीयलाह ऊळवालोरु, ओरा लोप्पा नना इव पोल्लोन रासलाह आतन.✧

27 मति मीवा जीवातगा इतेके, येसु किर्स्तुना मेटे दोर्कतद देवुळता पवित्र जीवा मन्हाता. अदिनेनाहक बोगे दुस्रोग मन्कल मीक कागहतनद गर्ज इले. किर्स्तुना मेटे दोर्कतद पवित्र जीवा मीक सबे कागहतहता.✧ अद जीवा सेतेमता आंदु, जोलता आयो. अदिनेनाहक अद कागहतप लेहकाने, किर्स्तुना संगे जोळेम आस मन्हटु.

28 ए पेकोरिर, किर्स्तुना संगे जोळेम आस मन्हटु. अद्रम मतेके, ओग बेस्के इद बूमते मल्स वायनोग, अस्के माट रेयवल आयकल. ओसो ओग वायहपा, ओना मुनेह लजा आयवालेवा मनदकल.✧

29 ओसो किर्स्तु सेतेमतोग आंदोग इनजोर, मीट पुतिर इतेके, मियगडाहि बोरु सेतेमताड कबस्क कीस्तोर, ओरिहक पुटमुळि देवुळिये ईता, इदिन वने पुन्हटु.✧

✧ 2:20 2:20 यहुदाल 5 ✧ 2:21 2:21 3:19-20 ✧ 2:22 2:22 4:3; यहुदाल 3-4
 ✧ 2:23 2:23 4:2,15; 5:1; 2 योहन 9 ✧ 2:24 2:24 4:15 ✧ 2:25 2:25
 5:11,13,20 ✧ 2:26 2:26 3:7; 4:7; 2 योहन 7 ✧ 2:27 2:27 1 तिसलुनितोर
 4:9; इब्रितोर 8:11 ✧ 2:28 2:28 इपिसुसतोर 3:12; कुलुसितोर 3:4; 1 योहन 3:2,21;
 4:17-18 ✧ 2:29 2:29 3:7; 5:1; 3 योहन 11

3

माट देवुळताड पिलाड-पेकोरल

1 ऊळाट, मावा देवुळबाबाल माकु नावाड मगक-मयास्क इन्जि इन्हतोग, ✨ अचोन ओग माक जीवा कीस्तोग! ✨ इंजेक माट निटमे देवुळताड पिलाड-पेकोरल आंदल. मति इद पोल्लो दुनियातोरिहक एर्का इले, बाराहक इतेके ओर देवुळतुन वने पुनोर. ✨

2 ए गोततोरिर, इंजेके माट देवुळताड पेकोरल महनल निटमे! मति पया वायना कालमते माट बेद्रमतोरल आयकल, इद पोल्लोतुन पुनवल. ✨ तेला मति माक इद पोल्लो एर्का मन्हता इतेके, किर्स्तु देवुळदीपताहि बेस्के मल्स वायनोग अस्के, ✨ किर्स्तु बह मन्हतोग, अद्रमे ओग माक दिसनोग. ✨ दिसतस्के, माट वने ओना लेहका आयकल. ✨

3 बोर ओना पोगोन निटम इद्रमता आसा तासिहतोर, ✨ ओर सबेटोरु मावा किर्स्तु बेद्रम पवित्र मन्हतोग, अद्रमे ओर वने पापम कीयनदिन विळिसिसि, पवित्र आस्तोर. ✨

4 बोर पापम कीसोर मन्हतोर, ओर देवुळताड अडोना विस्द आस्तोर. पापम कीयना इतेके, देवुळताड अडोना विस्द आयनदे. ✨

5 मति मावा पापमता सिक्सातुन तेहच ओयलाह, ✨ किर्स्तु वास मतोग इनजोर, मीट पुतिर. ✨ ओसो ओग पापमलेवोग आंदोग, ✨ इद पोल्लो वने मीक एर्काय मन्हता.

6 अदिनेनाहक बोर किर्स्तुना संगे जोळेम आस मन्हतोर, ओर पापम कीसोर मनोर. ओसो बोर पापम कीसोर मन्हतोर, ओरु किर्स्तुन बेस्केन ऊळोर; ओसो किर्स्तु बोग आंदोग इनजोर वने पुनोर. ✨

7 ए पेकोरिर! बोरिने मीक नाळेह कीयलाह एमाट. ✨ बोगु सेतेमताड कबस्क कीसोर ताकिहतोग, ओगु किर्स्तुना लेहका सेतेमतोग आंदोग. ✨

✨ **3:1 3:1** योहन 1:12; 11:52; रोम सहरतोर 8:14,16 ✨ **3:1 3:1** योहन 3:16;
1 योहन 4:9-10 ✨ **3:1 3:1** योहन 15:18,21; 16:3 ✨ **3:2 3:2** रोम सहरतोर
8:19-21,23-24 ✨ **3:2 3:2** लूकाल 17:30; कुलुसितोर 3:4; 1 योहन 2:28 ✨ **3:2**
3:2 योहन 17:24; 2 कुरिततोर 3:18 ✨ **3:2 3:2** रोम सहरतोर 8:29; 2 पत्रु 1:4 ✨ **3:3**
3:3 रोम सहरतोर 15:12; 1 पत्रु 1:3 ✨ **3:3 3:3** योहन 17:19; 2 कुरिततोर 7:1; 1 पत्रु
1:15; 2 पत्रु 3:14; 1 योहन 2:6 ✨ **3:4 3:4** 5:17 ✨ **3:5 3:5** इब्रितोर 9:26
✨ **3:5 3:5** योहन 1:29; 1 पत्रु 1:18-20; 1 योहन 2:2 ✨ **3:5 3:5** 2 कुरिततोर 5:21;
1 पत्रु 1:18-19 ✨ **3:6 3:6** 2:3; 3 योहन 11 ✨ **3:7 3:7** 2:26 ✨ **3:7 3:7**
2:29; 4:17-18

8 मति बोर पापम कीसोर मन्हतोर, ओर देयहकना मुक्याना लोकर आंदुर. बह इतेक, अदु सुस्मुनेताहिये पापम कीसोर वायलाह आता. ✧ तानाड कबस्किन बूळे कीयलाहिये, देवुळता मगि वातोग. ✧

9 बोर देवुळताड मगक-मयास्क आतोर, ओर पापम कीसोर मनोर. ✧ बाराहक इतेके ताना जीवा ओरगा मन्हता. ओर पापम कीसोर मनदा पगवोर, बह इतेके ओर देवुळताड मगक-मयास्क आतोर.

10 इद्रमलेहका देवुळता पेकोर बोर, ✧ ओसो देयहकना मुक्याना पेकोर बोर ✧ इनजोर, पुनमुळ आस्ता. बोर सेतेमते ताकोर, ओसो तमा ऐगेटोर विस्वसिरिन जीवा केवोर, ओर देवुळता लोकर आयोर. ✧

जीवा कीसोर मनदना

11 माटु ओर्विहक-ओर्वोग जीवा कीसोर मनदना, ✧ इद पोल्लोतुन इतेके, मीट सबेटोरिर विस्वसते वातगडाह केंजतिर. ✧

12 मीट कायनुना* लेहका मनमाटु. ओग देयहकना लेहका, लाग्वा बुदतोग मतोग; ओसो तना तमिन हक्कतोग. बाराहक हक्कतोग? बह इतेके तनाड कबस्क लाग्वाड मताड, मति तना तमिनाड कबस्क बार सेतेमताड मताड, ✧ अदिनेनाहक तनतमिन हक्कतोग. ✧

13 मावोरिर! इद दुनियाता लोकर मीक कोटे कीस्तोर अस्के, मीट बाममाटु. ✧

14 माट इजेके हामुरता लावताहि पेसिसि, देवुळता पिसमुळतुन दोर्किह कीतल इनजोर, माक एर्का मन्हता. ✧ बाराहक इतेके, माट मावा ऐगेटोर विस्वसिरिन जीवा कीयहनल. ✧ मति बोर अद्रम जीवा केवोर, ओर हातप लेहकाने मन्हतोर.

✧ **3:8 3:8** योहन 8:44; 1 योहन 3:10 ✧ **3:8 3:8** योहन 12:31; 16:11; इब्रितोर 2:14-15; 9:26 ✧ **3:9 3:9** 3:6; 5:18 ✧ **3:10 3:10** 3:1 ✧ **3:10 3:10** मत्याल 13:38-39; योहन 8:44; 1 योहन 3:8 ✧ **3:10 3:10** रोम सहरतोर 13:8-10; कुलुसितोर 3:14; 1 तिमोति 1:5; 1 योहन 4:8 ✧ **3:11 3:11** योहन 15:12; 1 योहन 4:7,11-12,21; 2 योहन 5 ✧ **3:11 3:11** 2:7 * **3:12 3:12** कायनु ओसो हाबेल, वेर आदम-अवानाड इवुर मक मतोर. वेरगडाह बेरोग दादाल कायनुना जीवा, तना तमिन ऊळिसि कविदु, अदिनेनाहक कायनु तनतमिन हक्कतोग. (पुटमुळि 4:8) ✧ **3:12 3:12** इब्रितोर 11:4; यहदाल 11 ✧ **3:12 3:12** बुदताड पोल्लोड 29:10; योहन 8:40 ✧ **3:13 3:13** योहन 15:18; 17:14 ✧ **3:14 3:14** योहन 5:24 ✧ **3:14 3:14** योहन 13:35; 1 योहन 2:10; 5:2

15 बोग मन्कल तना ऐंगेटर विस्वसिरिन जीवा केवोग, ✨ ओना बुदि, हक्के मन्कना बुदता लेहका मन्हता. ✨ हक्के मन्कना जीवातगा, अमेसाता पिसमुळ इले, ✨ इदिन मीट पुतिरे.

16 येसुसामि मयेनाहक तना जीवा ईतोग. ✨ अस्केडाहिये जीवा कीयनद पोल्लोतुन माट पुतल. अदिनेनाहक माट वने मावा ऐंगेटर विस्वसिरासाटि गर्ज अरतेके, जीवा वने ईयलाह तयर मनदना गावले. ✨

17 बोर विस्वसिरगा तम्क पिसलाह, बेचोनो मालसोम मन्हता, मति मालसोमलेवोर विस्वसिर पका तिपल आस्तोर. लेवोरा तिपलतुन ऊळिसि, मता मन्कलोरा जीवा उचुन वने नोयो इतेके, अद्रमतोर मन्कलोर मयगा देवुळता गूनम मन्हता इन्जि, बेद्रम इनदा पगयनुर? ✨

18 अदिनेनाहक पेकोरिर! माट सिरप तोडटा पोल्लो वळ्हकिस जीवा कीयनद आयो. मति देवुळता सेतेम पोल्लोतुन नमिसि, दुस्रोरेनाहक बेसताड कबस्क कीयना गावले. ✨

येसुन विस्वस केवालोर देवुळताड पेकोर

19-20 इद्रमलेहका ओर्विहक-ओर्वोग जीवा कीतेकेने, माट देवुळता सेतेम अगदे ताकिहनल इनजोर, माक एर्का आयगा. ✨ ओसो माट देवुळता मुनेह, दीराते रेयवालेवा मनदकल. अस्के मावा बुदि माक कसुर तोहतेकाय, मावा बुदतुहकाय वीळिसि, देवुळता बुद एक्वा मन्हता, अद मावा लोप्पा पूरा पुन्जि, (माक गूनम तोहतहता).

21 मावोरिर! मावा बुदि माक कसुर तोहवेके, देवुळतुन दीराते वळ्हकलाह, नितमे माक अग दोर्कगा. ✨

22 अस्के माट देवुळतुहक विचर वातप कीरहनल, ✨ ओसो तानाड अडोड माळसोर ताकिहनल. ✨ अदिहक माक गर्ज मतद तान ताल्हकतेके, अद माक दोर्किहता. ✨

✨ 3:15 3:15 2:9,11 ✨ 3:15 3:15 मत्याल 5:21-22; योहन 8:44; याकुब 4:2

✨ 3:15 3:15 गलातितोर 5:19-21; तोहचीतव पोल्लोड 21:8 ✨ 3:16 3:16 योहन

10:11; 15:13 ✨ 3:16 3:16 पिलिपितोर 2:17; 1 योहन 4:17-18 ✨ 3:17

3:17 व्यवस्थाविवरण 15:7; याकुब 2:15-16; 1 योहन 4:20 ✨ 3:18 3:18 2 योहन

3 ✨ 3:19-20 3:19-20 2:21 ✨ 3:21 3:21 रोम सहरतोर 14:22; इपिसुसतोर

3:12; 1 योहन 2:28; 5:14 ✨ 3:22 3:22 योहन 8:29; इब्रितोर 13:20-21; 1 योहन

5:14 ✨ 3:22 3:22 2:3 ✨ 3:22 3:22 अय्युब 22:16-27; मत्याल 7:7; 21:22;

योहन 9:31; याकुब 4:3

23 अद्रमे तना मगि येसु किर्स्तुना पोगोन, माट विस्वस कीयना इनजोर, देवुळ उकुम ईता. ✨ अद्रमे माट ओर्विहक-ओर्वोग जीवा कीयना इनजोर बार, किर्स्तु उकुम ईतोग. ✨

24 ओसो बोग देवुळता उकुमतुन केंजिस ताकिहतोग, ओग ताना संगे जोळेम आस मन्हतोग, ✨ अहे अद वने ओना जीवातगा जागा आस्ता. ✨ इद्रमलेहका देवुळि मावा जीवातगा जागा आस्ता इनजोर, माक ईतद ताना पवित्र जीवाते, माट पुनदा पगयहनल. ✨

4

देवुळता जीवा, ओसो लेसिह कीयनद जीवा

1 मावोरिर! नयगा देवुळता जीवा मन्हता इनवालोर, सबेटोरा पोगोन विस्वस तासमाट. (देवुळता कबुर वेहवालोरुम इनजोर,) जोल कबुरतोर वेल्लाटोर, दुनियाते तिरियसोर नाळेह कीस्तोर. ✨ अदिनेनाहक ओरगा निटम देवुळता जीवा मन्हताया, इले इनजोर, सेतेमतुन पर्हकिस ऊळाट. ✨

2 ओरगा निटम देवुळता जीवा मन्हताया, इले इनजोर, मीट इद्रमलेहका ऊळकिर: येसु किर्स्तु मन्कल मारियिस, इद बूमते वातोग इनजोर बोर वेहतहतोर, ओरु देवुळता जीवाताहि वळ्हकिहतोर. ✨

3 मति बोरु, येसु किर्स्तु मन्कल मारियिस वावोग इनजोर वेहतहतोर, ओरु देवुळता जीवाताहि वळ्हकोर. ✨ इद्रमतोर इतेके, येसु किर्स्तुना विस्दतोर आंदुर. किर्स्तुना मोदुल विस्दतोग वायनोग इनजोर, मीट केंजिस मतिर. मति ओग विस्दतोना बुदि, इंजेक इंका इद दुनियाते मन्हता. ✨

✨ **3:23 3:23** योहन 6:29; 1 योहन 4:15; 5:13 ✨ **3:23 3:23** 2:7 ✨ **3:24 3:24** योहन 6:56; 10:38; 1 योहन 2:3 ✨ **3:24 3:24** 2:3; 4:15 ✨ **3:24 3:24** योहन 14:17; रोम सहरतोर 8:9,14,16; 1 तिसलुनितोर 4:8; 1 योहन 4:13 ✨ **4:1 4:1** यिर्मयाह 14:14; 2 पत्रु 2:1; 1 योहन 2:18; 2 योहन 7; तोहचीतव पोल्लोड 2:2 ✨ **4:1 4:1** यिर्मयाह 29:8; 1 कुरिततोर 12:10; 1 तिसलुनितोर 5:19-21; 2 तिसलुनितोर 2:2 ✨ **4:2 4:2** योहन 1:14; 1 योहन 1:2; 2:23 ✨ **4:3 4:2-3** 1 कुरिततोर 12:3 ✨ **4:3 4:3** 2 तिसलुनितोर 2:3-7; 1 योहन 2:18,22; 2 योहन 7

4 ए पेकोरिर! मीट देवुळताहि पुटटोरिर आंदिर. ✧ मियगा मनदनद ताना पवित्र जीवा, दुनियाते मनदनद देयहकना मुक्याहकाय, एक्वा बेरा लावता आंदु. ✧ अदिनेनाहक मीटु ओर जोल कागहवालोरिन गेल्सतिर. ✧

5 (देवुळता पोल्लो ततोम इनजोर नाळेह केवालोर,) इद दुनियाता बुदतोर आंदुर. अदिनेनाहक दुनियाताडे पोल्लोड वळ्हकिहहतोर. अहे इद दुनियातोर लोकुर ओराड केंजिहहतोर. ✧

6 मति माट देवुळता लोकरल. ✧ बोरु देवुळतुन पुतोर, ओर मावा पोल्लोतुन केंजिहहतोर; ✧ मति बोरु देवुळतुन पुनोर, ओर मावा पोल्लोतुन केंजोर. इद्रमलेहका सेतेमता पवित्र जीवा ओरगा मन्हताया, ✧ बार लेसिह कीयनद जीवा मन्हता इनजोर, ✧ माक पुनमुळ आस्ता.

जीवा कीयनद देवुळिये

7 गोतयालोरिर! माट ओर्विहक-ओर्वीग जीवा कीयना गावले. ✧ जीवा कीयनद पोल्लो देवुळतगडाये आंदु. बोर जीवा कीस्तोर, ओर देवुळताड पिलाड-पेकोर आसि, तान पुतोरु. ✧

8 देवुळि जीवा कीयनद आंदु. ✧ अदिनेनाहक बोर दुप्पोरिन जीवा केवोर, ओर तान पुनोर. ✧

9 तना मगना मेटे, माक पिसमुळ दोर्कि इनजोरे, देवुळि तना वगोगे मगिन इद दुनियाते लोहच मता. इद्रम कीसि, नना लोकुरिन जीवा कीयहनन इनजोर तोहता. ✧

10 बेद्रम जीवा कीयना इनजोर, माट देवुळतुन जीवा कीसि तोहवल. मति देवुळिये इद पोल्लोतुन बेस-नेहना तोहता. ✧ बेद्रम इतेके, अद माक जीवा कीता, ओसो तना मगि मावा पापमता सिक्सातुन तना पोगोन एचि डोलेग इनजोर, ओन लोहच मता. ✧ इदे निटम जीवा कीयनद आंदु. ✧

✧ 4:4 4:4 4:6 ✧ 4:4 4:4 रोम सहरतोर 8:31; कुलुसितोर 2:15 ✧ 4:4 4:4 2:13-14; 5:4 ✧ 4:5 4:5 योहन 15:19; 17:14,16 ✧ 4:6 4:6 योहन 8:23; 1 योहन 4:4; 5:19 ✧ 4:6 4:6 योहन 8:47; 10:3-5; 18:37 ✧ 4:6 4:6 योहन 14:17 ✧ 4:6 4:6 1 तिमोति 4:1 ✧ 4:7 4:7 3:11; 4:11; 2 योहन 5 ✧ 4:7 4:7 1 योहन 2:3,29; 5:1 ✧ 4:8 4:8 4:7,16 ✧ 4:8 4:8 3:10 ✧ 4:9 4:9 योहन 3:16-17; 1 योहन 4:16; 5:11,13,20 ✧ 4:10 4:10 रोम सहरतोर 5:8,10; 1 योहन 4:19 ✧ 4:10 4:10 रोम सहरतोर 3:25-26; इब्रितोर 2:17; 1 योहन 2:2 ✧ 4:10 4:9-10 3:1

11 अदिनेनाहक मावोरिर! देवुळि माक इचोन जीवा कीता इतेके, माट वने ओर्विहक-ओर्वोग जीवा कीयना गावले.✧

12 बोगे बेस्केन देवुळतुन ऊळोग;✧ मति माट ओर्विहक-ओर्वोग जीवा कीतेकेने, देवुळि मावा जीवातगा जागा आस्ता.✧ जागा आसि, मयगा मनदनद ताना गूनमि लोक्कुरिहक पूरा दिसिहता;✧(अस्के देवुळतुन ऊळवेकाय, ओर तान पुनदा पगयहतोर.)

13 देवुळि तना पवित्र जीवातुन, मावा जीवातगा उदिह कीता. अदिनेनाहक माट ताना संगे जोळेम आतल. ओसो अद मयगा जागा आस्ता इनजोर, माट पुहनल.✧

14 इद दुनियातोरिन पिसिह कीयलाहि, देवुळबाबाल तना मगिन लोहतोग इनजोर,✧ माट ऊळतोग. ओसो अद पोल्लो निटमे मन्हता इनजोर, साक्सि महनोम.

15 येसुये देवुळता मगि इनजोर, बोर कबुल कीस्तोर, ओरा जीवातगा देवुळ जागा आस्ता;✧ ओसो ओर वने देवुळता संगे जोळेम आस मन्हतोर.✧

16 देवुळि माक जीवा कीता इनजोर इंजेके पुतल,✧ ओसो इद पोल्लोता बर्वसते ताकिहनल. देवुळि जीवा कीयनद आंदु,✧ अदिनेनाहक बोर जीवा कीसोर मन्हतोर, ओर ताना संगे जोळेम आस मन्हतोर. ओसो अद वने ओरगा जागा आस्ता.✧

17-18 देवुळि इद दुनियाते मावा ताकमुळतुन ऊळिसि, येसुना ताकमुळतुन ऊळतप आंदु,✧ अदिनेनाहक देवुळि सबेटोर लोक्कुरा नेयम कीयहपा,✧ माट रेयवालेवा दीरा पोस मनदकल.✧ सिक्सातुहक मन्कलोर रेयिहतोर, मति बोग देवुळता गूनमते निदिस मन्हतोग,✧ ओनगा रेय वसनद पोल्लो मनो.✧ ओग देवुळता नेयमते बाताल सिक्सा दोर्कगा इन्जि रेयोग. मति बोग विस्वसि देवुळता गूनमते निदिस मनोग, ओगु नेयमतेनाहक रेयिहतोग.

19 देवुळिये मुने माक जीवा कीता, अदिनेनाहक माट जीवा कीरहनल.✧

✧ 4:11 4:11 4:7; 2 योहन 5 ✧ 4:12 4:12 योहन 1:18; 1 तिमोति 6:16; 1 योहन 4:20
 ✧ 4:12 4:11-12 1 योहन 2:5; 3:11 ✧ 4:12 4:12 2:5; 4:17-18 ✧ 4:13
 4:13 रोम सहरतोर 8:9; 1 योहन 3:24 ✧ 4:14 4:14 योहन 3:17; 4:42; 1 योहन 2:2
 ✧ 4:15 4:15 रोम सहरतोर 10:9; 1 योहन 2:23; 3:23; 5:1,5 ✧ 4:15 4:15 2:24;
 3:24 ✧ 4:16 4:16 4:9 ✧ 4:16 4:16 4:7-8 ✧ 4:16 4:16 4:12-13
 ✧ 4:17-18 4:17-18 योहन 17:22-23; 1 योहन 2:6; 3:7,16 ✧ 4:17-18 4:17-18
 इब्रितोर 9:27 ✧ 4:17-18 4:17-18 2:28 ✧ 4:17-18 4:17-18 2:5; 4:12
 ✧ 4:17-18 4:17-18 रोम सहरतोर 8:15 ✧ 4:19 4:19 4:10

20 बोगाय, नना देवुळतुन जीवा कीय्हनन इद्रम इन्हतोग, मति तना ऐंगेतोग विस्वसिन कौटे कीस्तोग इतेके, ओग जोल मन्कल आंदोग.✧ तनाड कौडाहक दिसवाल ऐंगेतोग विस्वसिन जीवा केवोग इतेके,✧ तन्क दिसवद देवुळतुन✧ ओग बह जीवा कीया पगयहतोग?✧

21 देवुळि माक इद्रम उकुम ईता: बोग देवुळतुन जीवा कीस्तोग, ओग तना ऐंगेतोग विस्वसिन वने जीवा कीयना गावले.✧

5

माट दुनियाताड लाग्वाड कबस्कनगा एकवल

1 येसुये देवुळ लोहतोग पिसिह केवाल इनजोर, बोर बोर विस्वस कीस्तोर, ओर देवुळताड मगक-मयास्क आस्तोर.✧ ओसो बोगाय तना बाबान जीवा कीस्तोग, ओगु बाबानगडाहि पुटटोर सबेटोरिन वने जीवा कीस्तोग.✧

2 अद्रमे माट देवुळतुन जीवा कीसि, ताना उकुमतुन केंजिस अद्रम ताकतेके, तानाड मगक-मयास्किन माट जीवा कीय्हनल इनजोर,✧ माक एर्का आस्ता.

3 तानाड अडोन माळसोर ताकतेके, माट देवुळतुन जीवा कीय्हनल इन्जि, माक एर्का आस्ता.✧ अद्रमे तानाड अडोड माळलाह, वेल्ला तिपलताड इलेड.✧

4 बाराहक इतेके बोरु देवुळताड मगक-मयास्क आस्तोर, ओरु इद दुनियाताड सबे लाग्वाड कबस्कने एकोर. इंजेक माट देवुळता पोगोन विस्वस कीतल, अदिनेनाहके दुनियाताड सबे लाग्वाड कबस्कनगा एकवल.✧

5 येसुये देवुळता मगि इनजोर बोग विस्वस कीस्तोग,✧ ओग इद दुनियाताड लाग्वाड कबस्कनाहि पिहट अरयहतोग.✧

येसुना साक्सि

6 बोग देवुळताहि इद बूमतगा वातोग, ओग वासि देवुळता पेदिरते एग मीतोग. ओसो हक्कनागुटातगा नेतुर पोहचि, (मोक आयलाह वास मतोग,) ओग येसु

✧ 4:20 4:20 1:6,8,10; 2:4,9,11 ✧ 4:20 4:20 3:17 ✧ 4:20 4:20 4:12

✧ 4:20 4:20 1 पत्रु 1:8 ✧ 4:21 4:21 लैव्यव्यवस्था 19:18; मत्याल 5:43-44; 22:37-39; योहन 13:34; 1 योहन 2:7; 3:11 ✧ 5:1 5:1 1 योहन 2:22-23,29; 4:15

✧ 5:1 5:1 4:7 ✧ 5:2 5:2 3:14 ✧ 5:3 5:3 योहन 14:15; 1 योहन 2:3; 2 योहन

6 ✧ 5:3 5:3 मत्याल 11:30; 23:4 ✧ 5:4 5:4 योहन 16:33; 1 कुरिततोर 15:57;

1 योहन 2:13; 4:4 ✧ 5:5 5:5 4:15; 5:1 ✧ 5:5 5:4-5 2:14-15

किस्त्युय आंदोग. ओग बोग आंदोग इन्जि, सिरप ओना एग मीयना रिबजिये तोहो, मति ओना नेतुर पोहच मोक आयनद कबळ वने तोहतहता. इद्रम देवुळता पवित्र जीवा, इद पोल्लोता साक्सि ईस्ता. बाराहक इतेके, देवुळता पवित्र जीवा सेतेमता मन्हता.*

7-8 येसुना साक्सि ईयनव मूंड मन्हताडः* पवित्र जीवा, देवुळता पेदिरते मीतद एगु ओसो येसु पोहतद नेतुरि.* इव मूंड आस कलियिसि साक्सि ईस्ताड.

9 माट इतेके मन्कलोर ईतद साक्सितुन केंजिसि, इद सेतेमे मन्हता इहनल. मति देवुळि ईयनद साक्सि इतेके, मन्कलोरा साक्सितुहकाय, बेचोनो वीळिस बेरा, ओसो पका बर्वस लायकता आंदु!* बह इतेके देवुळि तना मगना लोप्पा साक्सि ईता.*

10 अदिनेनाहक देवुळता मगि येसुसामिन बोग विस्वस कीस्तोग, ओग इद साक्सितुन तना जीवातगा तासिहतोग.* मति बोग विस्वस केवोग, ओग देवुळतुन जोल इन्हतोग.* बाराहक इतेके देवुळ कुद तना मगना लोप्पा ईतद साक्सिता पोगोन, ओग विस्वस केवोग इनजोर.

11 देवुळि ईतद साक्सि इद्रम मन्हता इतेके, देवुळि माक अमेसाता पिसमुळ ईता, अद पिसमुळि ताना मगि येसुसामिनगा दोर्किहता.*

12 बोग देवुळता मगना संगे जोळेम आसि मन्हतोग, ओनगा अद पिसमुळ मन्हता. मति बोग येसुसामिन विस्वस केवोग, ओनगा मात्रम अद पिसमुळ इले.*

देवुळता अमेसाता पिसमुळि

13 देवुळता मगि येसुसामिना पोगोन विस्वस केवालोरिर,* अमेसाता पिसमुळ इंजेके मियगान मन्हता इन्जि,* मीट पुनदना इनजोर, रासलाह आतन.

14 देवुळता विचर मतपु, माट तान बातालाय ताल्हकतेके, अद मावा पोल्लोतुन केंजिहता इनजोर, माक दीरा मन्हता.*

* 5:6 5:6 मत्याल 3:16-17; मार्कल 1:10-11; लूकाल 3:19-22; योहन 15:26; 16:13-15 * 5:6 5:6 अस्के बोर जोल काहवालोर तिरियंदुर. देवुळता पेदिरते येसु एग मीतस्के, ओना मेंदुलतगा किस्तुना जीवा ओळियता, पया ओग डोलनाम्ने, ओनगडाहि किस्तुना जीवा पेसिस अता, इद्रम ओर काहन्दुर. * 5:7-8 5:7-8 व्यवस्थाविवरण 19:15 * 5:7-8 5:7-8 योहन 19:34 * 5:9 5:9 योहन 5:34,37; 8:18 * 5:9 5:9 मत्याल 3:17; मार्कल 1:11; लूकाल 3:19-22; योहन 5:32,37 * 5:10 5:10 रोम सहरतोर 8:16; तोहचीतव पोल्लोड 12:17 * 5:10 5:10 योहन 3:33; 1 योहन 1:10 * 5:11 5:11 योहन 1:4; 3:36; 1 योहन 1:2; 2:25; 4:9; 5:13,20 * 5:12 5:12 योहन 3:15-16,36 * 5:13 5:13 3:23 * 5:13 5:13 1:2; 2:25; 4:9; 5:11,20 * 5:14 5:14 मत्याल 7:7; योहन 14:13-14; याकुब 4:3; 1 योहन 3:21-22

15 देवुळि मावा ताल्हकनदिन केंजिहता इनजोर, माट पुहनल इतेके, माट बाताल तान ताल्हकतल, अद माक दोर्कताये इनजोर वने, माक एर्का मन्हता.✧

16 बोगाय तना तोळतोग विस्वसिनु, देवुळताहि एगिह केवद† पापम कीयहपा ऊळतेके, ओनेनाहक ओग पार्तना कीयना गावले. पापम केवाल पापमताह मलतेके, देवुळि ओन्क पूना पिसमुळ ईयगा.✧ इद्रमता पापमते बोर दल्लिस मन्हतोर, ओरिन अद पापम देवुळताहि एगिह केवो आयगा, ओरेनाहके नना इव पोल्लोड वेहतलाह आतन. मति बेद पापम देवुळताहि एगिह कीस्ता‡, अद पापम केवानेनाहक मीट पार्तना कीम्हटु इनजोर नना वेहोन.✧

17 सबे लागवाड कबस्कु पापमे आस्ताड,✧ मति सबे पापम कबस्कु देवुळताहि एगिह केवोड§.

18 बोर् देवुळताड मगक-मयास्क आस्तोर, ओर पापम कीसोर मनोर इनजोर, माक एर्काय मन्हता.✧ देवुळता मगि येसुसामि ओरिन ऊळेवाळे कीस्ताग, देयहकना मुक्याल* ओरिन बोय पगवो.✧

19 ताना कयदे इद पूरा लागवा दुनिया मन्हता,✧ मति माट इतेके देवुळता लोकुरल आंदल इनजोर, माट पुहनल.✧

20 देवुळता मगि येसुसामि इद बूमतगा वासि, सेतेम देवुळतुन पुनदना इन्जि, ओग माक बुद ईतोग.✧ माट इंजेके इदे निटम देवुळता संगे जोळेम आतल इतेके, ताना मगि येसु किर्स्तुना संगे जोळेम आतल. सेतेम देवुळ ओसो अमेसाता पिसमुळ एवाल वेगे आंदोग.✧ माक विस्वसिरिहक इव सबे पोल्लोड एर्काय मन्हताड.

21 अदिनेनाहक पेकोरिर, मीटु सबे जोल पेन-बोमानगडाह जेक मन्हटु.✧

✧ **5:15 5:15** मार्कल 11:24 † **5:16 5:16** देवुळताहि एगिह केवद मोदुल कागिदते "हामुरतके ओसेवद". ✧ **5:16 5:16** याकुब 5:15 ‡ **5:16 5:16** देवुळताहि एगिह कीस्ता मोदुल कागिदते "हामुरतके ओसीस्ता". ✧ **5:16 5:16** 1 योहन 3:14; 5:12 ✧ **5:17 5:17** 3:4 § **5:17 5:17** देवुळताहि एगिह केवोड मोदुल कागिदते "हामुरतके ओसेवोड". ✧ **5:18 5:18 3:9** * **5:18 5:18** देयहकना मुक्याल मोदुल कागिदते "लाग्वदु". ✧ **5:18 5:18** योहन 14:30; 1 योहन 2:13; यहूदाल 21 ✧ **5:19 5:19** योहन 12:31; 17:15; ग्लातितोर 1:4 ✧ **5:19 5:19** 4:6 ✧ **5:20 5:20** लूकाल 24:45 ✧ **5:20 5:20** योहन 1:1; 1 योहन 1:2; 5:11,13 ✧ **5:21 5:21** 1 कुरिततोर 10:7,14; 1 तिसलुनितोर 1:9

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458